



Uunga:

Erik Jensen, Siumut
Inatsisartunut ilaasortaq

§ 37 naapertorlugu apeqqummut nr. 145, 2025-mut akissut

17-09-2025

Inatsisartut suleriaasianni § 37, imm. 1 naapertorlugu apeqqutit Naalakkersuisunit ulloq 22. August 2025 tiguneqarput.

Apeqqutigineqartut ataasiakkaat naapertorlugit akineqartassapput.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

1. Ukioq manna Inatsisartunut qinersereernerup kingorna Naalakkersuisut siulittaasoriligaata qallunaat ministeriunerat qasseriartugulu maannamut ataatsimeeqatigereerpaa?

Akissut: Pisortatigoortumik tikeraartoqarneranut atatillugu Naalakkersuisut Siulittaasuata danskillu ministeriunerat akornanni marloriarluni pisortatigoortumik naapeqatigiittoqarnikuuvoq. Tamatuma saniatigut oqallittarfinni allani assersuutigalugu ukiumoortumik Nunanut Allanut, Sillimaniarnermut Illersornissamullu Politikkikkut Attaveqarnermut Ataatsimiititaliap ataatsimiinnerani Naalagaaffeqatigiillu ataatsimiinneranni aamma naapeqatigiittoqartarsimavoq.

- a. Ullut sorliit?

Akissut: Pisortatigoortumik tikeraartoqarneranni ataatsimiinnerit ulluni 2.-3. april aamma 27. april 2025-mi ingerlanneqarput.

- b. Suut oqaluuserineqarpat?

Akissut: Suliassat eqqartorneqartut tamakkiisumik allaaserineqarsinnaanngillat, ilaatigut naalakkersuinikkut ingerlatsinermit isertuussineq pissutigalugu. Tunngaviusumik tikeraarluni ataatsimiinnerit pineqartut marluk Kalaallit Nunaata Danmarkilu akornanni suleqatigiinnermut attuumassuteqarput.

- c. Nunatta Danmarkip iluani naalagaaffeqatigiinnarnissaanik aammalu tamatuma nukittorsarnissaanik imalimmik oqaaseqartoqarpa? Kina?

Akissut: Naalakkersuisut namminersorneq angorusuppaat, taamaattorli danskit kunneqarfiannut (Naalagaaffeqatigiimmi) ilaanerput aamma akuersaarutigineqartariaqarpoq. Taamaalilluni maannamut Danmarki qaninnerpaallugu suleqatigaarput. Naalakkersuisut suleqatigiinneq taanna nukittorsarusuppaat, suleqatigiinneq taamaattoq Kalaallit Nunaannut ingammillu nunatsinni innuttaasunut iluaqutaassappat.

2. Ukioq manna Inatsisartunut qinersereernerup kingorna Naalakkersuisut siulittaasoriligaata qallunaat nunanut allanut ministeriat qasseriartulugu maannamut ataatsimeeqatigereerpaa?

Akissut: Naalakkersuisut Siulittaasuata danskit nunanut allanut ministeria pisortatigoortumik ataatsimeeqatiginikuunngilaa. Taamaattorli oqallittarfinni assigiinngitsuni assersuutigalugu Nunanut Allanut, Sillimaniarnermut Illersornissamullu Politikikkut Attaveqarnermut Ataatsimiititaliap ataatsimiinnerani ataatsimeeqatigiittoqartarsimavoq.

- a. Ullut sorliit?

Akissut: Apeqqut 2-mut akissut takuuk.

- b. Suut oqaluuserineqarpat?

Akissut: Apeqqut 2-mut akissut takuuk.

- c. Nunatta Danmarkip iluani naalagaaffeqatigiinnarnissaanik aammalu tamatuma nukittorsarnissaanik imalimmik oqaaseqartoqarpa? Kina?

Akissut: Kalaallit Nunaata namminersulernissaanut Naalakkersuisut suliniarput. Namminiilivinnissamut aqqut annertuumik piareersarnermik innuttaasunillu akuutitsinermik ilaqarpoq. Sulinissamut missingiut Naalakkersuisunit naammassineqariarpat Inatsisartut akuutinneqarumaarput.

3. Danskit naalakkersuisui Naalakkersuisunut oqaatigisimavaat, ullumikkut sillimaniarnikkut illersornissakkullu Danmarkip Nunattalu akornanni suliassa qarfiit pillugit agguaaqatigiissimaneq naapertorlugu, Kalaallit Nunaata sillimaniarneranut illersorneqarnissaanullu, ukiut ingerlaneranni aammalu massakkut, Danmarkip NATO-mut pisussaaffiinik allatigullu nunarsuarmi nunat agguataarsimaneranut avaqqunneqarsinnaanngitsunut tunngatillugu, Danmarkip pisussaaffimminik naammassinnissimasoq?

Akissut: Nunanut Allanut Ilisimatusarnermullu Naalakkersuisoqarfimmiit akissutimik pissarsiniartoqarsimavoq:

"Tamakku pillugit danskit naalakkersuisuisa Naalakkersuisunut eqqaasaqarnikuunngillat. Illersornissaqarfiup Kalaallit Nunaanni suliassanik suliagarneranut atatillugu danskit naalakkersuisui Naalakkersuisullu qanimut oqaloqatigiipput, Illersornissaqarfiullu suliai sakkutooqarnermut aammalu inuinnarnik tapersersuisumik oqartussatut sullissinermik imaqarput. Massakkut aarlerinartut tunngavigalugit Illersornissaqarfik sulisarpog, taamaammallu ingerlatsinissamut tunngasunut ataavartumik nalilersuisoqartarluni. Upalungaarsimaneq suliassa qarfiuvoq Kalaallit Nunatsinni akisussaaffigilernikuusarput."

- a. Naalakkersuisullu tamanna isumaqatigivaat / isumaqatiginngilaat?

Akissut: Apeqqut 3-mut akissut takuuk.

4. Nunatta illersorneqarnissaa pillugu USA ataasiarani oqariartortarpoq, Danmark pisussaaffimminik sumiginnaasimasooq. Naalakkersuisut tamanna isumaqatigivaat imaluunniit isumaqatiginngilaat? Aammalu suut tunngavigalugit isumaqatigaat / isumaqatiginngilaat?

Akissut: Nunanut Allanut Ilisimatusarnermullu Naalakkersuisoqarfimmiit akissutimik pissarsiniartoqarsimavoq:

"Sillimaniarnermut inissisimaffik manna piumaq tunngavigalugu Issittumi sillimaniarnerq nukittorsarneqartariaqarpoq. Illersornissaqarfiup nunatsinni najuunnerulerneratigut eqqissisimanerup patajaatsuunerullu attannissaannut Naalakkersuisut danskit illersornissamut ministereqarfianik suleqateqarput. Naalakkersuisut pingaartippaat, Issittumi sillimaniarnerq annertusineqaaqqissappat tamanna Issittumi iligiit qanimut peqatigalugit pissasoq, tamatumani USA ilanngullugu."

5. Nunatta uatsinnut tunngassuteqartutigit nunanut allanut tamakkiisumik oqartussaassuseqalernissaa Naalakkersuisut sulissutigaa?

Akissut: Suliani Kalaallit Nunaannut soqutiginassuseqartuni tamani Naalakkersuisut tamakkiisumik piginnaasaqalernissarput sulissutiguaannarpaat.

- a. Taamaanngippat suna tunngavigalugu?

Akissut: Apeqqut 5-imut akissut takuuk.

- b. Taamaappat suliniutit suut ingerlanneqarpat?

Akissut: Nunanut Allanut, Sillimaniarnermut Illersornissamullu Politikkikkut Attaveqarnermut Ataatsimiititaliaani sulianut nunanut allanut attuumassuteqartunut atatillugu Kalaallit Nunaannik Savalimmiunillu akuutitsiniarluni ingerlaavartumik sulisoqarpoq. Nunanut allanut atatillugu angusat kingulliit uuttortaruminarnerusullu tassaapput Naalakkersuisut Kunngaqarfiup Issittumut Ambassadørianik innersuussisarnerat aammalu Illersornissamut isumaqatigininniarnerni Kalaallit Nunaata akuutinneqarnera.

Inussiarnersumik inuulluaqqusillunga


Jens-Frederik Nielsen
Naalakkersuisut Siulittaasuut